

KRATKI PODACI IZ HISTORIJE BIBLIOTEKE GRADA SARAJEVA

1947. godina

o Odlukom Narodnog odbora Trećeg rejona osnovana Narodna biblioteka Trećeg rejona – *Narodna biblioteka „Hasan Kikić“*, koja je smještena u staru vakufsku zgradu na Bistriku.

o U Sarajevu već djeluju ili se tek otvaraju i druge javne rejonske biblioteke. Od većih i organizovanijih biblioteka su: *Narodna biblioteka „Vasin Han“*, koja je sa radom počela 1945. godine, *Narodna biblioteka „Ognjen Prica“* i *Narodna biblioteka „Petar Kočić“*.

1949. godina

o *Narodna biblioteka „Hasan Kikić“* preseljena u veće prostorije vakufske zgrade.

o Oformljene tri pokretne biblioteke.

o Osnovana Narodna biblioteka Prvog rejona – *Narodna biblioteka „Vratnik“*.

o Otvorena samostalna *Narodna biblioteka „Vladimir Nazor“*.

1950. godina

o *Narodna biblioteka „Hasan Kikić“* ima deset pokretnih biblioteka koje uspješno rade na području Starog grada – Bistik, Hrid, Širokača, Skenderija, Medresa i Kovači.

o *Narodna biblioteka „Ognjen Prica“* osniva pokretne biblioteke i pozajmna odjeljenja na području Čengić-Vile, Dolac Malte, Pofalića i Švrakinog Sela.

o Narodni odbor Drugog rejona osniva *Narodnu biblioteku „Silvije Strahimir Kranjčević“*, koja će zvanično početi sa radom godinu dana kasnije.

1951. godina

o Osnovana *Narodna biblioteka „Vladimir Perić Valter“*.

o U *Narodnoj biblioteci „Silvije Strahimir Kranjčević“* osnovana pokretna biblioteka na Bjelavama; oformljeno je i lektirno odjeljenje koje radi kao pionirska biblioteka – *Dječija biblioteka „Vlatko Foht“*.

1953. godina

o *Narodna biblioteka „Hasan Kikić“* preseljena u veće prostorije, u kojima otvara čitaonicu; dugo vremena ovo je jedina javna čitaonica u gradu.

o Četvrti rejon opštine Centar osniva *Narodnu biblioteku „Kovačići“*, koja kasnije dobija ime *Narodna biblioteka „Marko Marković“*.

o *Narodna biblioteka „Vladimir Perić Valter“* zvanično počinje sa radom.

1956. godina

o *Narodna biblioteka „Hasan Kikić“* usvaja moderne međunarodne principe stručnog rada, prelazi na obradu bibliotečke građe prema decimalnoj klasifikaciji i ima slobodan pristup knjižnom fondu.

o U Sarajevu radi deset narodnih rejonskih biblioteka, od čega četiri u opštini Centar, tri u opštini Stari Grad, tri u opštini Novo Sarajevo; te dvije opštinske biblioteke na području Ilidže i Hadžića.

1960. godina

o *Narodna biblioteka „Hasan Kikić“* je najbolje stručno i organizaciono uređena javna biblioteka u gradu.

o *Narodna biblioteka „Petar Kočić“* preseljava u veće prostorije i postaje Centralna biblioteka u Novom Sarajevu.

1961. godina

o Izvršeno spajanje pet rejonskih biblioteka opština Centar i Stari Grad – „Ognjen Prica“, „Bistrik“, „Vasin Han“ i „Vratnik“ – u *Centralnu biblioteku „Hasan Kikić“*.

o *Biblioteka „Hasan Kikić“* prelazi na obradu bibliotečke građe prema UDK.

o *Otvorena Centralna dječija biblioteka „Vlatko Foht“*.

1962. godina

o *Narodne biblioteke „Silvije Strahimir Kranjčević“* i *„Vladimir Perić Valter“* integrisane su u centralnu i matičnu *Biblioteku „Hasan Kikić“*.

o Biblioteka preseljava u zgradu bivše osnovne škole u ulici *Otokara Keršovanija* (današnja Obala Maka Dizdara), u kojoj je, osim pozajmnog odjeljenja, oformila depo i dvije čitaonice sa 70 čitalačkih mjesta. Počeo rad na formiranju zavičajne zbirke.

o Otvoreno odjeljenje na Višnjiku.

1963. godina

o Formiran Omladinski literarni klub *„Hasan Kikić“*.

1966. godina

o Integracijom biblioteka *„Petar Kočić“*, *„Vladimir Nazor“* i *„Marko Marković“*, sa područja opštine Novo Sarajevo, osnovana *Opšta narodna biblioteka Novo Sarajevo*.

1968. godina

o Analiza o stanju bibliotekarstva pokazuje da je *Biblioteka „Hasan Kikić“* prva u regionu po veličini knjižnog fonda i broju pročitanih knjiga.

1969. godina

o Priznanje „Kulturno-prosvjetna zajednica BiH“.

1970. godina

o Spomen plaketa grada Sarajeva.

1972. godina

o Plaketa grada Sarajeva.

1976. godina

o Zahvalnica i Zlatna plaketa „Akcija 100.000 knjiga“.

1977. godina

o Povelja učesnika „Akcija 100.000 knjiga“.

o Spomen diploma za saradnju i doprinos povodom 30-godišnjice *Opšte narodne biblioteke Novo Sarajevo*.

1979. godina

o Integracijom *Opšte narodne biblioteke Novo Sarajevo*, Doma kulture „*Vaso Pelagić*“ i Pionirskog centra „*Boško Buha*“, nastaje *Narodna biblioteka „Branko Ćopić*“.

1981. godina

o Povelja za doprinos u razvoju i unapređenju rada Biblioteke i uspješnu saradnju, koju dodjeljuje Narodna i Univerzitetska biblioteka Bosne i Hercegovine.

1984. godina

o Zahvalnica za doprinos u organizaciji XIV Zimskih olimpijskih igara Sarajevo '84.

o Otvoreno pozajmno odjeljenje u Novom Gradu – Alipašino polje.

1985. godina

o U Skenderiji otvoren odsjek pod nazivom *Biblioteka „Doma mladih*“.

o Otvoreno pozajmno odjeljenje u Novom Gradu – Dobrinja.

1987. godina

o Šestoaprilaska nagrada grada Sarajeva – za 40 godina uspješnog rada i rezultate na unapređenju bibliotekarstva u gradu.

o Povodom jubileja – 40 godina Biblioteke, otvorena je Izložba *Sarajevo u Zavičajnoj zbirci biblioteke „Hasan Kikić*“ u Muzeju XIV Zimskih olimpijskih igara, i održano *Savjetovanje o zavičajnim zbirkama u narodnim bibliotekama*.

1988. godina

o Narodna biblioteka „Hasan Kikić“ određena za obavljanje matičnih poslova bibliotečke djelatnosti na području opština: Centar, Stari Grad, Novo Sarajevo, Novi Grad, Ilidža, Vogošća, Hadžići, te Ilijaša, Pala, Trnova, Han Pijeska, Kalinovika, Kiseljaka, Kreševa, Olova, Rogatice, Sokoca, Breze, Fojnice, Foče, Goražda, Rudog, Vareša, Višegrada, Visokog, Čajniča, Busovače, Kaknja, Viteza, Travnika, Pucareva (Novi Travnik) i Zenice.

o Dječija biblioteka „Vlatko Foht“ je, povodom tridesetogodišnjice postojanja, a za zasluge i uspjehe približavanja knjige čitaocima i unapređivanju dječijeg bibliotekarstva, odlikovana Ordenom zasluga sa srebrenom zvijezdom.

o Otvoreno pozajmno odjeljenje u naselju Breka.

1990. godina

o Integracijom tri najveće gradske biblioteke: Narodna biblioteka „Branko Ćopić“, Narodna biblioteka „Hasan Kikić“ i Dječija biblioteka „Vlatko Foht“, uključujući i kasnije pripajanje Opštinske biblioteke „Hadžići“, nastaje današnja Biblioteka grada Sarajeva.

o Uvedena elektronska obrada bibliotečke građe u namjenskom računarskom programu BIS (bibliotečko-informacijski sistem).

1991. godina

o Usvojen Statut radne organizacije Biblioteke grada Sarajeva.

o Oformljena Služba za zavičajnu zbirku.

1992. – 1995. godina

o Tokom rata uništena je arhiva Biblioteke, dio poslovnih prostora je oštećen ili potpuno devastiran, a od prijeratnih 20, ostalo je u funkciji 13 pozajmnih odjeljenja. Veći dio inventara, tehničke opreme i knjižnog fonda je također stradao. Ipak, zahvaljujući požrtvovanosti bibliotekara, najvrednije kolekcije Biblioteke grada Sarajeva sačuvane su u cijelosti.

1994. godina

o Biblioteka preseljena u Miss Irbinu 4, gdje se i danas nalazi.

1996. godina

o Otvorena Njemačka čitaonica.

1997. godina

o Otvorena Dječija čitaonica pri odjeljenju u Radićevoj ulici.

o Biblioteka uključena u Kooperativni online bibliografski sistem – COBISS.

1998. godina

o Biblioteka je započela rad na automatskoj obradi bibliotečke građe u bibliotečkoinformacionom sistemu COBISS.

2000. godina

o Otvoreno pozajmno odjeljenje na području opštine Hadžići.

2001. godina

o Uvedena automatska pozajmica u četiri pozajmna odjeljenja.

o Otvoreno pozajmno odjeljenje na Trgu ZAVNOBIH-a.

o Otvoren Multimedijalni centar „Mak“ u Alipašinoj ulici.

2002. godina

o Povodom jubileja – 55 godina, organizovan *Seminar o zavičajnim zbirkama i savremenim bibliotekama* i svečana akademija.

2005. godina

o Otvorena pozajmna odjeljenja na Grbavici i Alipašinom Mostu II.

o Otvoren Eko centar u sklopu čitaonice pozajmnog odjeljenja na Breki.

o Osnovan Klub „Prijatelji zavičaja“, koji učestvuje u prikupljanju građe za fondove Zavičajne zbirke.

2006. godina

o Otvoren Američki kutak u sklopu Dječije biblioteke.

o Otvoreno pozajmno odjeljenje na Ilidži.

2007. godina

o Otvoreno pozajmno o odjeljenje na Vratniku.

o Obnovljen ugovor o članstvu u bibliotečko-informacionom sistemu COBISS.BiH.

o Postavljen web portal Biblioteke grada Sarajeva – www.bgs.ba.

o Postavljena Izložba povodom jubileja (60 godina) Biblioteke.

o Objavljena monografija „60 godina Biblioteke grada Sarajeva“.